

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765


CCXXIV.

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

niis roborari & fideliter communiri. Datum & Actum Anno Domini millesimo trecentesimo octavo decimo, Sabbato post festum ascensionis Domini.

(L. S.) (L. S.) (L. S.) (L. S.) (L. S.)

Nota. Chartam hanc corruptam edidit MEICHSNER Decisionum Cameralium Tom. IV. Decif. 35. quam ex Authentico restitutam exhibemus Lectori.



CCXXIV.

LITTERÆ REVERSALES ABBATIS ET CONVENTUS
MONASTERII ALBENSIS, DE REEMPTIONE
VILLÆ MALSCH.

ANNO MCCCXVIII.

Ex tabulario Bada-Durlacensi.

Nos Abbas totusque Conventus Monasterii in Alba, Ordinis Cisterciensis, Spirensis Diœcesis recognoscimus & notum facimus, omnibus præsentem Literam auditoris & inspecturis, quod nos speciali gratia & favore concessimus, Nobili Domino, Domino nostro *Friderico, Marchioni de Baden*, quod cum ipse aut sui hæredes venerint ad nos cum Mille Trecentis libris minus decem Libris Hallensium monetæ bonæ

& dativæ, tunc debemus sibi feu hæredibus suis dare ad reemendum Villam, quæ vocatur Malsch, cum omni jure, cum aquis, fylvis, pratis & pascuis, & castro Waldenfels cum omnibus juribus ad dictam Villam & castrum dictum pertinentibus, & sicut jam dictus Dominus noster *Fridericus, Marchio de Baaden*, nobis contulit ad emendum, recognoscimus etiam, quod Villanos in jam dictâ villâ residentes non amplius arctare debemus, quam ad Sturam debitam ab antiquo, & bona quæcunque alia, quæ ad ante dictam villam pertinere dignoscuntur, his debemus uti, sicut mos est ibidem, & sicut nos docent literæ nostræ super hoc datæ, & hoc promittimus ratum servare, bona fide sine omni dolo, in cujus rei veritatem & ampliorem securitatem Sigillum nostrum præsentibus duximus appendendum, insuper rogavimus, generosum Dominum nostrum *Rudolphum, Marchionem de Baaden Seniore*, & Dominum Henricum de Eberstein, quatenus Sigilla sua, appenderent Sigillo nostro, & nos *Rudolphus Marchio de Baaden Senior* & Henricus de Eberstein recognoscimus & publice protestamur, quod ex speciali dilectione & petitione ante dicti Domini *Friderici, Marchionis de Baaden*, & Domini Abbatis & Conventus Monasterii ante dicti Sigilla nostra ad firmiorem permanentiam præsentibus literis appendimus in testimonium omnium prædictorum; Acta sunt hæc Anno Domini M. CCC. XVIII. Nonis Junii in die Sancti Bonifacii Episcopi.

(L. S.)

(L. S.)

(L. S.)